



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱՅԻՆ ԱՍԵՐԻԿԱՅԻ ԱՐԵՄՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
 Archbishop Moushegh Mardirossian, Prelate
 Tel: 818-248-7737/8, Fax: 818-248-7745, E-mail: Prelacy@aol.com



ԹԵՄԻՍ ԿԻՐԱԿՆՕՐԵԱՅ ԴՊՐՈՑՆԵՐՈՒ ՈՒՍՈՒՑՉԱԿԱՆ ԿԱԶՄԵՐՈՒ ՄԻՕՐԵԱՅ ՀԱՄԱԳՈՒՄԱՐ

Մանուկներու եւ պատանիներու կրօնադաստիարակչական եւ հայեցի կրթութեան նուիրուած մեր Կիրակնօրեայ Դպրոցները կը վայելէն անվերապահ հոգածութիւնն ու հովանաւորութիւնը Թեմիս բարեշան Առաջնորդ Բարձրաշնորհ Տ. Սուշեղ Ա. Արք. Մարտիրոսեանի: Կամաւոր եւ գիտակից ուսուցչական կազմերու խնամքին եւ հոգածութեան յանձնուած երկսեռ աշակերտութեան՝ ամէն Կիրակի մեծ սիրով, համբերութեամբ եւ աջալուրջ յանձնառութեամբ կ'ուսուցուին աւետարանական պատումներ եւ աստուածաշնչական դրուագներ, սաղմոս, աղօթք, շարական ինչպէս նաեւ կրօնական եւ եկեղեցագիտական ծանօթութիւն կը ջամբուի մեր նոր սերունդի գաւակներուն: Իսկ ուսուցչական կազմեր, յաճախակի հանդիպումներով, միօրեայ կամ երկօրեայ դաստիարակչական բնոյթի հոգեշահ համագումարներ կը կազմակերպեն, նպատակ ունենալով ի մի խմբել մեր Թեմի եկեղեցիներու ուսուցչական կազմերը եւ անոնց փոխանցել անհրաժեշտ գիտելիք՝ հայ եկեղեցւոյ պատմութեան, դաւանանքին, տօնակարգին թէ եկեղեցագիտական նիւթերու մասին:

Հիւրընկալութեամբ Կլենտէյլի Ս. Աստուածածին եկեղեցւոյ Կիրակնօրեայ Դպրոցին, նման հանդիպում-հաւաք մը տեղի ունեցաւ նախաձեռնութեամբ Ազգ. Առաջնորդարանի Քրիստոնէական Դաստիարակութեան Գրասենեակին եւ կազմակերպութեամբ Կիրակնօրեայ Դպրոցներու Վարիչ Մարմնին՝ Շաբաթ, 24 Փետրուար 2007-ի յետ միջօրէ ժամը 2:00էն 5:00: Համագումարին կը մասնակցէին շուրջ քառասուն ուսուցիչ-ուսուցչուհիներ, կրօնական դաստիարակութեան գրասենեակի վարիչներ՝ Գերպ. Տ. Միւռն Ճ. Վրդ. Ազնիկեան եւ Յոգշ. Տ. Պարթեւ Վրդ. Կիլիմեան, Ս. Աստուածածին եկեղեցւոյ Յոգեւոր Յովիւներէն Արժ. Տ. Կոմիտաս Զինյ. Թորոսեան:

Հաւաքական կարճ աղօթքէ ետք, Թեմիս Բարեշան Առաջնորդ Բարձր. Տ. Սուշեղ Ա. Արք. Մարտիրոսեան, գնահատական եւ քաջալերական խօսքերով վեր առաւ դաստիարակչական բնոյթով կազմակերպուած նման հաւաքներու անհրաժեշտութիւնն ու օգտակարութիւնը, եւ այս առթիւ Մեծ Պահոց շրջանին կազմակերպուած ուսուցչաց երկօրոյ միօրեայ սոյն հաւաքին իր թելադրութիւններն ու բարեմաղթութիւնները ըրաւ, ըլլալ ծառայասեր, հեռու մնալ անձնասիրութենէ ու անձնակեդրոն կեանքէ, նուիրուիլ աղօթանուէր կեանքի, բարիք գործել եւ բարիք սփռել եւ առաքիւնութեան գործերու նախանձախնդիր ըլլալ:

Ապա, համագումարին մասնակիցներ լուսապաստառի վրայ հետեւեցան Հայր Միւռնի ներկայացուցած դասախօսութեան: Դասախօսութեան նիւթն էր՝ «Մեծ Պահքը եւ Մեծ Պահոց Կիրակիները»: Ան լուսապաստառի վրայ մանրամասն ներկայացուց Մեծ Պահքի աստուածաշնչական ըմբռնումն ու Մեծ Պահոց Ուրը

Կիրակիները: Այսպես, հոգեւոր ուղեւորութիւնը սկսաւ Բուն Բարեկենդանէն եւ աստուածաշնչական դէպքերն ու դրուագները ներկայացնելով՝ մանրամասն բացատրութիւններ եւ նկարագրական լուսաբանութիւններ տուաւ Արտաքսման, Անառակի, Տնտեսի, Դատաւորի, Գալստեան Ծաղկազարդի Կիրակիներուն, ինչպէս նաեւ Աւագ Շաբթուան Տերունի դէպքերուն մասին, հասնելով մինչեւ Քրիստոնէական եկեղեցւոյ անկիւնաքարը հանդիսացող Քրիստոսի մահուան վրայ տարած յաղթանակին՝ հրաշափառ Ս. Յարութեան: Հայր Սուրբը մեջընդմէջ անդրադարձաւ Մեծ Պահոց Կիրակիներու աւետարանական, բարոյական եւ կրօնական-հոգեւոր իմաստներուն եւ տուաւ գործնական օգտակար ցուցմունքներ եւ թելադրութիւններ: Իսկ Հայր Պարթեւ կատարեց Արեւագալի եւ Մեծ Պահոց Կիրակիներուն երգուելիք շարականներու ներկայացումը եւ մեկնաբանութիւնը, շեշտելով որ երգը մեր ներաշխարհի ապրումներուն, յոյզերուն եւ զգացումներուն, ինչպէս նաեւ պատմական դէպքեր եւ պատումներ նկարագրելու եւ ներկայացնելու կենդանի, հաղորդական ու անմիջական դրսեւորում է: Մասնաւորաբար մեր շարականները, ըսաւ զեկուցաբեր Հայր Սուրբը, որպէս գրական սեռ, ունին հոգեւոր, դաստիարակչական բնոյթ՝ աստուածաշնչական դէպքեր, հրաշքներ եւ սրբոց վարքը նկարագրելու եւ աւետարանական ու բարոյական ճշմարտութիւններ ուսուցանելու, դաստիարակելու, քաջալերելու եւ դէպի Աստուած առաջնորդելու: Շարականներու մասին ընդհանուր գաղափար եւ բացատրութիւններ տալէ ետք, Հայր Պարթեւ ներկայացուց եւ սորվեցուց Արեւագալի եւ Մեծ Պահոց Կիրակի օրերուն երգուող յատուկ շարականները:

Դասախօսութեանց եւ զեկոյցներու աւարտին, տեղի ունեցաւ հարց-պատասխանի բաժին, ուր յաւելեալ լուսաբանական եւ գոհացուցիչ տեղեկութիւններ փոխանցուեցան:

Համագումարին մասնակցող ուսուցիչ-ուսուցչուհիներ առիթ ունեցան նաեւ իրենց կիրակնօրեայ դպրոցներու վերաբերեալ մտահոգութիւններ եւ կրօնա-դաստիարակչական ծրագիրներուն առնչուող հարցեր արծարծել: Այս առթիւ, Կիրակնօրեայ Դպրոցներու Տեսուչներուն յանձնուեցաւ լսարանային բաժնի դասընթացքներու եւ կիրակնօրեայ դասաւանդութեանց ծրագրի օրինակներ, պատրաստուած՝ Ազգ. Առաջնորդարանի Քրիստոնէական Դաստիարակութեան Գրասենեակին կողմէ:

Հաւաքը խմբային նկարով «Կիրակնօրեայ սուրբ յարկին» մաղթանք քայլերգի երգեցողութեանմբ եւ փակման աղօթքով՝ Կիրակնօրեայ դպրոցներու ուսուցչաց միօրեայ հաւաքը վերջ գտաւ յետ միջօրեի ժամը հինգին: Կիրակնօրեայ դպրոցներու ուսուցչակազմեր՝ նոր գիտելիքներով եւ հոգեւոր ծանօթութիւններով հարստացած, գոհունակ մեկնեցան եկեղեցւոյ շրջափակէն, վերահաստատելով իրենց յանձնառութիւնը եւ նուիրումը՝ իրենց խնամքին յանձնուած հայ մանուկներն ու պատանիները կրօնական եւ հայեցի առողջ կրթութեամբ դաստիարակելու, եւ նման շինիչ ու օգտակար հաւաքներ եւ առիթներ յաճախ կազմակերպելու:

WESTERN PRELACY SUNDAY SCHOOL TEACHERS' ONE-DAY SEMINAR

Directors and teachers of Prelacy Sunday Schools gathered at St. Mary's Church in Glendale on Saturday, February 24, 2007, for a one-day seminar that was held under

the auspices of H.E. Archbishop Moushegh Mardirossian, Prelate, and organized by the Sunday School Directorate. Similar gatherings take place regularly with the directive of the Prelacy Christian Education Department to provide supplementary information to our Sunday Schools' instructors on topics including church history, sacraments, calendar, and various other subject matters. In addition to Christian Education Department Co-Directors Very Rev. Fathers Muron Aznikian and Barthev Gulumian, Rev. Gomidas Torossian, Pastor of St. Mary's Church, participated in the gathering along with about 40 teachers.

Following the opening prayer, the Prelate commended the organizing of the gathering, stressing the need for further educational seminars. The Prelate then advised the participants to be devoted in their service, to live a selfless and God-pleasing life, and to perform good deeds.

During the lecture portion of the seminar, in a lecture titled "The Sundays of Great Lent", Hayr Muron presented in detail the eight Sundays of Lent, from Paregentan to Easter Sunday, while Hayr Barthev presented and taught hymns unique to the Sundays of Lent. A question and answer session followed. Throughout the seminar, teachers were also offered the opportunity to voice their concerns about issues relating to religious education instruction. In turn, the directors were given guidelines and examples of Sunday School curricula which were prepared by the Christian Education Department,

The seminar concluded with a group picture, the singing of the Sunday School anthem, and the closing prayer.

This email is broadcasted by [Western Prelacy of the Armenian Church of America](http://www.westernprelacy.org) - 6252 Honolulu Ave, La Crescenta, CA 91214 - USA. If you have any questions or comments, please do not hesitate to call us at (818) 248-7737 or send us your request by email to info@westernprelacy.org, Visit our Website www.westernprelacy.org Copyright . 2007 All rights reserved.